

Mas di 80 dealer lo worde emplea

DIA 15 DI DECEMBER GRAN APERTURA DI LA CABANA CASINO

E casino lo bira esun mas grandi y bunita di Caribe



za di lamar.

E otro division ta destina pa shownan internacional. Schwengle a muestra cu e intensión ta pa tur luna, durante un luna largo lo tin un show internacional caminda artistanan di diferente pais entre otro Argentina, Brazil, Venezuela, Merca.

E division den cual e shownan internacional lo tuma lugar, tin un capacidad

di mas o menos 600 persona. Ademá di e shownan internacional, durante aña La Cabana Casino lo organiza torneonan caminda artistanan internacional lo participa.

E casino mes, esta e parti caminda e weganan di placa ta tuma lugar, tin un grandura di 1300 meter cuadra. Esaki lo bay ta esun di mas bunita den Caribe.

Schwengle a indica cu 60 % di e dealers y supervisorman cu ta traha den e casino, ta persona cu amplio experiencia.

Actualmente na La Cabana ta dunando les na esnan cu ta interesa pa bira dealer den casino.

E lesnan ta di 10'or di mainta pa 3'or di atardi, di 3'or di atardi pa 7'or di anochi y di 7'or di pa 11'or di anochi.

Schwengle a muestra cu te ainda esnan cu interesa pa sifia y traha e trabao di dealer por aplica.

En total e casino lo emplea mas cu 80 dealer. E casino mes lo bay conta cu entre otro 220 slot machine, 2 horse racing machine, 17 mesa di black jack, 5 roulette y un "pit" priva.

E plannan ta pa habri e casino pa 10'or di mainta pa esnan cu ta interesa den hunga slot machine mientras cu pa e otro weganan e casino lo habri su porta pa 1'or di merdia.

Schwengle a indica cu ya nan ta trahando ariba e mercado pa cu e casino.

Ta asina cu dia 1 di November e casino lo habri su portanan no oficial mientras cu dia 15 di December lo ta e apertura oficial.

E apertura oficial lo bira un espectáculo ariba su mes. E unico informacion cu DIARIO por a saca for di Schwengle ta cu e ta invita un y tur pa asisti na e apertura ya cu esaki lo bay ta un sorpresa.



TELEFON DI DIARIO
22207 - 26747 - 32352
35023 - 35026

ORANJESTAD(AAN) -- "Dia 15 di December 1991 lo ta e gran apertura di La Cabana Casino", asina e casino manager, Ruben Schwengle a duna di conoce na DIARIO durante un entrevista exclusivo.

Schwengle a indica cu La Cabana Casino lo bay bira esun di mas grandi y mas bunita den henter Caribe.

Loke Schwengle a releva na DIARIO ta cu e complex lo ta dividi den tres parti.

Un di e partinan ta consisti di un restaurant den cual ta bin un restaurant Frances, un restaurant Italiano y un restaurant specialisa den cumin-